



ISTILAH

LAPORAN EKONOMI
2005/2006

L A P O R A N E K O N O M I

Agregat Monetari	Butiran kewangan yang membentuk penawaran wang secara keseluruhan.
Akaun Barangan	Nilai pasaran bersih bagi semua barangan yang bertukar milik hasil daripada eksport dan import di antara pemastautin dan bukan pemastautin.
Akaun Kewangan Imbangan Pembayaran	Meliputi komponen pelaburan langsung, pelaburan portfolio dan pelaburan lain. Pelaburan langsung mencerminkan hak kepentingan jangka panjang di antara pemastautin dan bukan pemastautin. Pelaburan portfolio melibatkan urus niaga antarabangsa dalam sekuriti ekuiti, sekuriti hutang, instrumen pasaran wang dan derivatif kewangan. Pelaburan lain merujuk kepada urus niaga lain, termasuk pinjaman berhubung dengan sewaan kewangan dan kredit perdagangan.
Akaun Perkhidmatan Imbangan Pembayaran	Meliputi penerimaan dan pembayaran berkaitan perkhidmatan pengangkutan (termasuk fret dan insurans), perjalanan (termasuk pelancongan dan pendidikan), urus niaga Kerajaan dan perkhidmatan lain (termasuk perkhidmatan professional) di antara pemastautin dan bukan pemastautin.
Akaun Semasa Imbangan Pembayaran	Terdiri daripada akaun dagangan, perkhidmatan pendapatan dan pindahan semasa.
Aktiviti Hiliran	Pengeluaran yang melibatkan pemprosesan lanjut bagi meningkatkan nilai ditambah keluaran terbaru di pasaran.
Aktiviti Hulu	Pengeluaran sumber asli untuk pemprosesan selanjutannya seperti di dalam aktiviti perlombongan yang melibatkan eksplorasi dan aktiviti menggali minyak mentah.
Aset	Semua harta tahan lama seperti kediaman, bangunan dan jentera.
Bayaran Balik Awal	Bayaran balik hutang yang dibuat sebelum tarikh matang.
Bayaran Khidmat Hutang	Bayaran faedah ke atas hutang yang ditanggung.
Pindahan Semasa Imbangan Pembayaran	Sumbangan (termasuk geran serta hadiah secara tunai dan barangan) yang dibuat oleh Kerajaan dan persendirian kepada badan berkuasa atau individu tanpa mendapat balasan atau faedah kewangan daripada pemberian tersebut.
Cagamas Berhad	Sebuah perbadanan yang ditubuhkan bagi mewujudkan satu portfolio pengurusan institusi kewangan yang lebih fleksibel melalui penjualan pinjaman perumahan mereka kepada pasaran cagaran kedua.
Cukai Langsung	Cukai yang dikenakan secara langsung kepada pembayaran cukai seperti cukai pendapatan.
Cukai Tidak Langsung	Cukai yang dikenakan ke atas barang atau perkhidmatan.
Duti Timbal Balas	Cukai yang dikenakan ke atas barang yang dibawa masuk untuk mengganti kerugian cukai yang dikenakan ke atas barang tempatan.

Emolumen	Gaji dan elaun yang berkaitan.
Faedah Berbanding	Faedah yang didapati oleh negara-negara yang berdagang hasil daripada keupayaan bersaing, kecekapan dan potensi semulajadinya.
Halangan-halangan Bukan Tarif	Segala tindakan Kerajaan yang bukan berbentuk cukai yang boleh mengubah corak perdagangan biasa, termasuk had-had kuantitatif, subsidi, amalan pembelian Kerajaan serta halangan-halangan teknik terhadap perdagangan.
Harga Purata Wajaran	Harga purata bagi semua jenis keluaran yang diwajibkan mengikut sumbangan kepada jumlah jualan.
Harga Semasa atau Nilai Semasa	Nilai yang mengambilkira kenaikan harga.
Harga Tetap atau Nilai Benar	Nilai semasa ditolak kenaikan harga atau nilai yang demikian pada harga tahun asas.
Hasil Bukan Cukai	Hasil yang diperolehi daripada sumber-sumber bukan cukai seperti lesen, permit dan bayaran perkhidmatan.
Hutang Dalam Negeri	Tanggungan hutang akibat daripada pinjaman yang dibuat dalam negeri.
Hutang Negara	Tanggungan hutang negara kepada negara-negara luar atau institusi-institusi kewangan luar negeri.
Imbangan keseluruhan Imbangan pembayaran	Terdiri daripada imbangan asas serta ralat dan ketinggalan dalam imbangan pembayaran.
Imbangan Pembayaran	Rekod urus niaga sesebuah negara dengan negara-negara lain, iaitu akaun urus niaga di antara penduduk sesebuah negara pemastautin dengan penduduk negara-negara lain bukan pemastautin.
Indeks Harga Pengeluar	Indeks ini berasaskan kepada formula Laspeyres dan bertujuan untuk mengukur perubahan kadar purata di dalam semua harga barangan yang dikenakan oleh pengeluar dan dibayar oleh pengimport. Tahun 1989 merupakan tahun asas.
Indeks Harga Pengguna	Indeks ini berasaskan kepada formula Indeks Laspeyres yang mengukur perubahan purata harga-harga sekumpulan barang-barang dan perkhidmatan yang ditetapkan dan yang mewakili corak perbelanjaan sebuah isi rumah sederhana di Semenanjung Malaysia, Sabah dan Sarawak. Tahun 2000 merupakan tahun asas.
Indeks Komposit Kuala Lumpur	Indeks ini menggambarkan prestasi berbagai sektor di Bursa Malaysia. Indeks ini yang mengambil tahun 1977 sebagai tahun asas telah ditambah daripada daripada 86 kaunter kepada 100 kaunter dalam tahun 1995 bagi mencerminkan prestasi pasaran dengan lebih berkesan.
Jurang Tabungan-Pelaburan	Perbezaan di antara tabungan dan pelaburan, iaitu mengukur kedudukan sumber negara, termasuk sektor swasta dan awam.

Kadar Faedah Antara Bank	Kadar faedah yang dikenakan atas pinjaman antara bank.
Kadar Pemberian Pinjaman Asas (BLR)	Kadar faedah pinjaman utama yang dikenakan oleh pihak bank kepada peminjam-peminjam yang mempunyai keupayaan pembayaran balik yang tinggi. Biasanya kadar ini meliputi kos dana dan pentadbiran tanpa mengambil kira sebarang unsur keuntungan.
Kawasan Perdagangan Bebas	Satu peraturan perdagangan di mana ahli-ahli menghapuskan tarif-tarif sesama sendiri tetapi adalah bebas untuk mengenakan tarif ke atas negara ketiga.
Keluaran Dalam Negeri Kasar (KDNK)	Jumlah nilai barangan dan perkhidmatan yang dikeluarkan oleh penduduk dalam negeri.
Keluaran Negara Kasar (KNK)	Jumlah nilai pendapatan negara. Ia berbeza dengan KDNK kerana KNK mengambil kira penerimaan dan bayaran perkhidmatan faktor, iaitu bayaran bersih faedah hutang di luar negeri dan perolehan bersih daripada keuntungan perniagaan dan dividen.
Kesatuan Eropah	Persatuan lima belas negara Eropah yang bertujuan mewujudkan kawasan yang membenarkan antara lain, pergerakan bebas barangan, modal, perkhidmatan dan buruh di kalangan mereka. Kesatuan ini dianggotai oleh Belanda, Ireland, Portugal, Sepanyol, Jerman, Itali, Belgium, Luxembourg, Greece, United Kingdom, Perancis, Denmark, Austria, Finland dan Sweden.
Khidmat Hutang	Bayaran faedah dan bayaran balik pokok ke atas hutang yang ditanggung.
Perjanjian Kongsi Pengeluaran	Kontrak pengeluaran petroleum iaitu di antara PETRONAS dengan syarikat-syarikat minyak yang lain atau syarikat-syarikat carigali.
Kos, insurans dan fret (c.i.f)	Nilai eksport atau import barangan sehingga ke tempat kastam, termasuk kos pengangkutan antarabangsa dan insurans.
Kumpulan Wang Bekalan Air	Satu kumpulan wang yang diwujudkan oleh Kerajaan-kerajaan negeri untuk membiayai perkhidmatan bekalan air.
Kumpulan Wang Pembangunan	Dana kewangan yang dikhaskan untuk perbelanjaan pembangunan negara.
Mudah Tunai	Harta-harta bentuk tunai atau amat mudah ditunaikan.
Negara-negara Ekonomi Perindustrian Baru (NIE)	Biasanya dirujuk kepada negara-negara yang telah mencapai tahap industrialisasi yang tinggi dengan sumbangan sektor perkilangan kepada KDNK melebihi 50 peratus dan pendapatan per kapita tinggi. Negara-negara yang digelar sebagai NIE sekarang ialah Republik Korea, Singapura, Taiwan dan Hong Kong.
Nilai Ditambah	Perbezaan antara nilai 'output' dan nilai 'input' sesuatu keluaran.
Nisbah Khidmat Hutang	Khidmat hutang luar negeri sebagai peratus kepada nilai eksport barangan dan perkhidmatan negara kasar.

Pelaburan	Perbelanjaan ke atas pembentukan modal tetap dengan tujuan mendapat pulangan pada masa hadapan. Pembentukan modal tetap ini merupakan perbelanjaan pelaburan ke atas jentera, logi dan seumpamanya serta perbelanjaan bagi memajukan tanah dan membina bangunan.
Penawaran Wang	Penawaran wang secara keseluruhannya mengandungi M1, M2 dan M3. M1 adalah merujuk kepada mata wang dalam edaran dan deposit semasa sektor swasta. M2 pula mengandungi M1 dan deposit tetap serta deposit tabungan di bank perdagangan, instrumen deposit boleh niaga dan sijil Bank Negara Malaysia. Sementara M3 pula mengandungi M2 dan deposit tetap dan tabungan di bank saudagar, syarikat kewangan dan syarikat diskaun.
Penggunaan	Perbelanjaan ke atas barangan dan perkhidmatan akhir untuk kegunaan semasa dan bukan bertujuan untuk menghasilkan keluaran.
Perbelanjaan Mengurus	Perbelanjaan yang dibuat untuk tujuan mengurus atau keperluan semasa.
Perbelanjaan Pembangunan	Perbelanjaan untuk membiayai projek-projek pembangunan.
Percuma Ke atas Kapal (f.o.b)	Nilai eksport atau import barangan yang dinilai pada tempat kastam tetap tidak termasuk kos pengangkutan antarabangsa dan insurans.
Pinjaman Pasaran	Pinjaman-pinjaman yang diperolehi dari pasaran wang antarabangsa.
Pinjaman Projek	Pinjaman yang dibuat khas untuk pembiayaan sesuatu projek.
Rizab Luar Negara	Terdiri daripada emas (monetary gold), pertukaran wang asing, Hak Pengeluaran Khas dengan IMF, kedudukan rizab di IMF dan penggunaan kredit IMF yang disimpan oleh Bank Negara Malaysia dan harta luar negeri bersih bank-bank perdagangan.
Rundingan Perdagangan Pelbagai Hala	Rundingan di bawah anjuran Perjanjian Am mengenai Tarif dan Perdagangan untuk mengurangkan tarif supaya pemakaiannya dapat digunakan kepada kesemua negara anggota.
Sistem Upah Berasaskan Produktiviti	Sistem bayaran upah mengikut peningkatan produktiviti dan prestasi syarikat.
Tabungan	Lebih pendapatan, sama ada di sektor swasta atau awam, setelah ditolak perbelanjaan penggunaan.